

醫案夢記

戊辰夏余作醫案夢記或問曰記夢中醫案乎抑記醫案如夢中事乎余曰人生斯世不過一大夢昔宗芥子謂既夢還須尋好夢示不忘也余醫案亦大夢中事耳記之差勝尋之直示不忘云爾余自道光己酉歲棄儒業醫自暨而嵎而新昌已二十有餘年矣其間臨證施治有對證而卽愈者有不對證而不愈者有倖愈而垂危復生者俱可按日稽也而未嘗自存一案所

恃者精力未衰猶能強記每當神怡務閒之際撫今思昔如某也病內傷用某藥某也病外感用某藥或得或失俱歷歷在目而莫之或遺猶之生平幾首文字時往來於心不展卷而自知焉無如歲月消磨光陰迅速一轉瞬而行年五十有三矣回憶從前若何臨證若何施治若不知其得失也者而忘之沉思間精神稍倦憑几而臥忽得一藪見老人披葛而來手執葵扇灑灑出塵語余曰子欲知得失曷自存醫案古人

云失之東隅收之桑榆未爲晚也余應之曰然
敬受教問先生何人乃揮扇而笑曰子讀靈素
宗仲景儒而醫醫而古者也我崇禎間人以選
舉入都卒無所成遂專於醫年百有三十子可
思而得之何必與言姓名哉飄然而去言猶在
耳有就診者突如其來云先生尙熟睡耶余聞
而夢覺默思古來名醫年百有三十者祇喻嘉
言先生一人相傳往西方成佛余夢所見者非
斯人耶因憶辛酉歲余於呂月汀家晤劉翁安

亭清談之餘卒然告余曰秋間吾地有郭姓者
病設乩焚疏請喻嘉言先生下壇施藥有他仙
赴乩者不詳姓氏但云喻公往西方已久我大
會而旋道經於此故下降焉執是以思喻公成
佛之說非無據矣一在天之涯一在地之角何
由令人夢見耶意者仙家袖裏乾坤咫尺間五
湖四海佛與仙異途同道喻公自西而南不下
數千里其亦猶咫尺耶是耶非耶其信然耶抑
夢所見者非其真耶然而余無是夢不知存醫

案烏從知得失故事近誕謾而情却眞摯自來
南柯黃粱諸夢自有而無總成幻境余醫案夢
記則因夢成案自無而有實境也非幻境也爰
書數語於簡端庶見余案者知余存案之繇卽
知余存案之意也夫

皆居

同治七年歲次戊辰仲夏之吉浣江聊爾居士
徐守愚甫識於剡城西倉寓
舍之醉月處



醫案夢記序

太史公作扁鵲傳陳承祚作華元化傳卽後世
驗方醫案之權輿也我鄉守愚先生好通詩文
楷法皆有程式中年以後旁通歧黃以醫學流
屬於剡輒隨手活人至今猶稱道勿衰所著醫
案二卷皆倣古法而坤以新意故見效尤速而
神近世醫道之陋也目不覩古人精詣之書心
不諳氣運生剋之數取坊間陋俗之本約畧識
之於胸便出而問世其害何堪勝道今觀先生

所著其恪守古法不失尺寸如程不識武鄉侯
之行軍紀律井然令嗣小愚能世其業想所得
於趨庭間者固有異聞耶醫案雖吉光片羽小
愚什襲而藏之者二十餘稔將欲出以問世質
之於余嗚呼小愚可謂式穀似之者非耶
光緒二十一年歲次乙未小春之吉暨陽吳忠
懷亮公甫識於古剡城中二戴書院



醫案夢記卷後附案序

宋儒臣羅太經曰願天常生好人願人常作好事余極愛斯言誦不釋口惟資以自治猶且樂爲同志者勸失人之好事固非一端而要之醫道其最大也吾觀暨陽徐君守愚先生好學多博因不得志遂棄儒專醫臨證之下著有醫案夢記二卷案中論證義精理達用方亦必法古今其嗣君小愚克承厥志世其業又能將是案付梓以公世附其自案若干問序於余余思先

生入剡數十年壽至古稀活人不可勝計功已
偉矣又將是案行諸海內傳之奕世庶幾壽世
壽民而先生之德澤爲何如也蓋聞君子樂道
人之善何能於此靳一詞耶願閱是案者慎勿
以此爲易事哉余雖不敏故爲之序云

峕

光緒二十三年春王月

剡北王正本黼亭甫頓首拜撰

醫案夢記凡例

一是案也非敢曰醫理祇如是焉乃吾先君記此以稽平日臨證之得失故多不以筆墨工拙爲事

一是案也先君因夢見喻嘉言先生指示存案始於戊辰止於丙子厥後精力漸衰故不復記焉

一是案也以古方治今病效如響應非敢曰時方不足重要知古法旣善奚必別尋穿鑿焉

一是案也遇內傷寒熱交作。首重調營衛交陰。陽仲聖心法焉。乃案中用方雖有加減進退。非敢曰古法之可易。乃活法在乎人。然亦必寓陰陽互根之道。庶謂其義不忒。

一是案也。原爲濟世起見。非敢曰補先哲之未備。乃作他山片石。視未始不無臨證之一助。是案也。內傷居多。時俗不知內傷病因。僉曰內傷莫醫。醫者亦曰內傷難愈。故近今醫家多有不用功於內傷。俾患內傷者含冤莫伸。

是誰之罪焉。

磨

二世業醫遠邇就診。屬內傷

者終日不知其凡幾。間嘗危而復生者。指不勝屈矣。噫異哉。若彼之猥云內傷難愈者。究不知內傷何等病因難愈也。請其明以教我。一是案也。證雖無幾。內傷外感各有見地。按脈用藥。絲毫必晰。假未明經旨。而不敢任用經方者。闕此亦足以發焉。

一是案也。卷後有

磨

自案十餘。非敢曰附驥乃

因所臨之證多半出自尋常。但發藥合劑。惟

按五行生剋臟腑之宜忌而已

一是案也每證書地記名之外而必載之以年

月者重其事也願閱者慎勿視此爲細事也

一是案也茲得付梓將可謂之數耶磨嘗思先

君業醫後留有文稿詩集雜作意在警示磨

等讀經書識時務豈期俱付兵燹迨五十以

後方知天道之流行却悔四十九年之非遂

存醫案夢記與雜作數則邵子有云事有人

爲終歸數定信然

男徐子馨謹識

陳祖彞夢記上卷

暨陽徐守愚氏著

五品銜
縣典史

陳祖彞丹厓

陽羨孫文濤蘭圃鑒定

王正本黼亭

裘振箕亦樵

袁殿燮和夫

趙榮恩葦薌氏 同校

劉遐年子餘

薛炳文子寅

男子麇小愚述編

偕胞弟小

立泉

率子聖聰

同朱雲樵

沈筱泉

校字

俞昂青虛損案

王東屏暑濕證

童岐山痰飲

丁咳嗽證案

汪某久病案

李喎口證案

丁久病

陳世崙母病

邢虛損壞症

胎前兼症

孫治鋒喉症

錢佳燦喉症